

Nurse's Day Message

Mersi Mr. Speaker, pou don mwa sa loportinite pou dir detwa mot, an siport sa travay e devouman, nou bann ners e fanm saz a lokazyon zot lazournen, e semenn dedye pou onor sa profesyon, important.

Nou osi koman en lasanble nou zwenn ansanm, avek larestan lemond, pou dabor remersye zot pou sa dedikasyon e konpasyon, ki zot annan anver nou pep, atraver sa profesyon noble.

Komitman bann ners e fanm saz pou amelyor lavi sak endividi ki pas dan zot lanmen I en ki remarkab, e ki devret ganny valorize, e ganny bokou apresye, e pou sa nou salye zot pou sa don ki zot in ganny pou deserve dan sa profesyon.

Mr. speaker, souvan lenpak sa swen ki zot donner i evidan, atraver sa profesyon, avek sa dernyen pti latous ki zot mete, ki vreman anmen en soulazman pou sa paysan e i adousi bokou leker blese

Kot pafwa pa bezwen sa latizan pou geri sa douler. zis, pret en zorey pou ekoute, e pran sa letan pou don sa pti kares I dir bokou e I fer en gran diferansdiferansen gran diferans.

I remarkab, ki sa rezilian e determinasyon, ki zot mete dan sa profesyon ners ek fanm saz I en ki ekseptionel. Zot menm ki enn bann pilye nou system lasante, kot zot debout for lo frontline, pour pran sa premye swen ek nou. Zot la ler nou ouver nou lizye, e pafwa avek bokou ler nou ran sa dernen soupir.

Dan nou lopital, nou klinik e dan kominote, zot ki pran bokou ka ek nou lasante e kit nou asire e donn nou lespwar pour annan en pep an bonn sante.

Malgre serten defi zot toultan debout for e pa les zot zepol tonbe Ozordi nou mazin tou bann ners e fanm saz, bann ki ti la, bann ki la, e bann ki pe vini, ki zot a kontniyelman ede amelyor nou lasante e nou byennet. Pour bann ki ti la kin retirete, nou remersye zot pour sa kontribisyon remarkab ki zot in fer. Pour bann ki la, ki zot annan sa kouraz pour kontinyen donn sa swen avek lanmour e konpasyon. Pour

bann ki pe vini, mon konsey konman en ansyen ners, se ki sa profesyon I pa zis en louvraz, I en karyer ki demann sa bon leker, sa latitud amikal e bokou limilite. Nou swete ki zot ganny enspire par bann role model dan zot lantouraz.

Mr. Speaker nou osi pran sa loportinite pou dir Mersi nou defen zanmi, Hon Bistoque kin dedye bokou siport pour sa profesyon, e pour sa nou pou toultan apresye li e son zefor.

.....

Tenm sa lannen ki ners selebre sa lazournen anba la se Our Nurses our future, The economic power of care e Inspir ban ners pou apresye sa rol anver sosyete e lekononi anver en kominote an bonn sante.

Sa tenm i ankouraz nou pour investir dan bann ners, empower zot e donn zot plis lankourazman pour kapab deliver sa bon standar, e quality of care (an dot mot) e don nou pep sa swen de kalite.

Nou partaz nou gratitud avek tou ners letan nou mazin lo sa tenm.

Nou mazin nou pase, nou prezan e nou fitir e nou rekonnet bann akonplisman ki noun fer ki bann ners fanm sarz e lezot travayer lasante in kontribye sitan bokou ladan, pou gard nou pep an bon sante

Pour sa nou oner tou bann ners, fanm sarz e lezot profesyonel lasante e dir zot mersi pou dedy zot lavi pou lezot, atraver zot compasyon e lanmour.

Mr. Speaker dan lavi , once a nurse always a nurse

Mon remersye ou